



Allahumma innii as'aluka Al-aafiyata fid-Dunya wal-Aahirati

Yii a Ibn 'Umar nengē, (Wēnd yard be b yiibā yīngā) a yeelame: Nabiyaamā (Wēnd puusg la A tūlgr be a yīngā) rag n ka yi n basd kos-kāensā, a sēn wat n ta zaabre, la a sēn wat n yik yibeoogo: «Allahumma innii as'aluka Al-aafiyata fid-Dunya wal-Aahirati, Allahumma innii as'aluka Al'afwa wal-Aafiyata fu diinii wa Dunyaaya wa Ahlu wa Maalu, Allahumma ustur Awratu wa aamin Raw'aatu, Allahumma iħfażnii min bayni yadayya wa min ħalfu wa an yamiinii wa an šumaalii wa min fawkui, wa a'uuđu bi Azmatika an ugtala min tahtu. (M Soab a Wēnde mam kot-F-la Laafu Dūni la Laahre, M Soab a Wēnde m kot-F-la Yaafa la Laafu m Dīina pugē la m Dūni wā la m zakā rāmba la m arzeka, m Soab a Wēnde lill m yānā la F gāneg m pēlgā, m Soab a Wēnde gū-ma m neng taoore la m poor wēengē la m ritg wēengē la m goabg wēengē la m yīngr wēengē, la m kota gūudum ne Fo Zislemā tū b ra wa zāmb n kū-ma m tēngrā wēengē ye».

[Naşun Şahihon (Gom-sikdem sēn manege)] [A Abū Daawūd la a An-nasaa'ly la a Ibn Maağa la a Ahmad n togs-a]

Nabiyaamā (Wēnd puusg la A tūlgr be a yīngā) rag n ka yi n basd kos-kāngā a sēn wat n ta zaabr la a sēn wat n vēeg beoogo: (M Soab a Wēnde mam kot-F-la Laafu) la m kot-F-la tūlgre n yi bāase la balag-rāmba la dūni yel-kēgemse, la yōyā yamleoodo la dīn zarbgo (dūni kaanē la laahr) sēn yaa tao-tao mas-masā la sēn yaoondā. (M Soab a Wēnde m kot-F-la Yaafa) la zūnuub yēesgo la gāndg n bas-ba (la laafu) la tūlgre n yi zamse (m dīnā pugē) tū m yi lagem-n-taare la Bid'ah-rāmb la Wēnd kūsgo (la m dūni wā) n yi masub-rāmba la nango la wēnga (la m zaka rāmba) m pagbā la m koambā la m rog-pētse (la m ligdā) m arzékā la m tūuma. (m Soab a Wēnde lill m yānā) la būmb ning sēn be mam pugē sēn yaa zamse la yēl sēn keoose, la maan koeegā la F yēes m zūnuubā (la F gāneg m pēlengā) la m yēesgā. (m Soab a Wēnde gū-ma) n tus baolleq-rāmbā n yi-ma, sēn namsd ninsala (min bayni yadayya wa min ħalfu wa an yamiinii wa an šumaalii wa min fawkui) zī-kāngā a kosame tū Wēnd gū-a n yi ween-n-vūsā gilli, bala baolleq-rāmbā la zamsā b paamda ninsalā sēn tūud ne ween-vi-kāensā a yembr wēengē. (la m kot gūudum ne Fo zislemā tū b ra wa zāmb n kū-m ye) la b ra zēeg-ma tū m wa halk ne lingr ye, (m tēngrā wēengē), tū m wa halk ne Tēng bōrb ye.

النّجّات الخيريّة
ALNAJAT CHARITY

